


綱鑑易知錄

宋元

全九十九

113
537
47



113
537
47

尺木堂綱鑑易知錄卷八九

天三十五年二月

綱目續編定本

山陰吳乘權楚材同輯

周之燦星若

南宋紀

恭宗皇帝

名焘。度宗次子。在位一年。元伯顏入臨安。執之北行。二年。殂。而南宋遂亡。

綱乙亥。帝焘德祐元年。元至元二年。春正月。葬永紹陵。綱

以陳宜中同知樞密院事。綱以呂師夔參贊都督府

軍事。師夔不受命。以江州。今江西九江府。叛降元。綱元中書

夏倚死節

左丞劉整死于無為軍。今江南廬州府無為州。綱知安慶府。屬江南。范文虎叛降元。文虎遣人以酒饌如江州迎元軍。伯顏使阿朮以舟師先造。文虎以城降。通判夏倚仰藥。仰首而死。伯顏繼至。承制授文虎兩浙大都督。飲藥也。死。伯顏繼至。承制授文虎兩浙大都督。綱賈似道出師次于蕪湖。二月。夏貴引兵會之。似道畏劉整不敢發。及聞其死。喜曰。吾得天助也。乃上表出師。抽諸路精兵十三萬人以行。金帛輜重之舟舳艫。見四十九卷。相銜百有餘里。命宰執小事專決。大事則關白於督府。不得擅行。又以所親信韓震為殿帥。

總禁兵進次於蕪湖。今江南太平府蕪湖縣。遣人通呂師夔以

議和。未幾夏貴引兵來會。袖中出一編書示似道曰。

宋歷三百二十年。似道俯首而已。廣分注云。似道遣

議和。嗚呼。天下皆為元有。而賈賊猶以議和為望。其愚益可知矣。綱以汪立信為江

淮招討使。募兵禦元。綱賈似道至江上。以立信為端

明殿學士。江淮招討使。俾就建康。今江南江寧府。府庫募兵。

以援江上諸郡。立信受詔。即日。上道。以妻子託其愛

將金明。執其手曰。我不負國家。爾亦必不負我。遂行。

與似道遇於蕪湖。似道拊立信背曰。不用公言。見上卷二

汪立信忠義

江南無一寸乾淨地

賈似道以荔子黃柑遺伯顏

七。以至於此。因問立信何向。立信曰。今江南無一寸乾淨地。某去尋一片趙家地上。死要死得分明耳。既至建康。守兵悉潰。而四面皆北軍。立信知事不可成。歎曰。吾生為宋臣。死為宋鬼。終為國一死。但徒死無益耳。率所部數千人至高郵。見八六。欲控引淮漢。以為後圖。綱賈似道復請和于元。伯顏不許。因似道自蕪湖遣還元俘。見七九。曾安撫且以荔子黃柑遺伯顏。復使宋京。見八七。如元軍請稱臣奉歲幣。如開慶約。見同上。阿朮謂伯顏曰。宋人無信。惟當進兵。

趙昴發死節

伯顏乃令囊加歹來答書曰。未渡江時。議和入貢。則可。今沿江州郡皆已內屬。欲和則當來面議也。似道不答。囊加歹歸報。京亦遣綱以黃萬石為江西制置使。綱元陷池州。權守趙昴發死之。因池。今江南守王起宗聞元軍渡江。棄官去。通判趙昴發攝州事。昴發繕壁聚糧。為固守計。元遊騎至李王河。都統張林屢諷之降。昴發忿氣填膺。瞳。直。目視林。林不敢復言。已而林帥兵巡江陰。今江南常州府江陰縣。遣人納款。而陽助昴發為守。守兵皆歸於林。昴發知事不濟。乃置酒。

會親友與訣。謂妻雍氏曰：城將破，吾守臣不當去。汝先出走。雍曰：君為忠臣，我獨不能為忠臣婦乎？昂發笑曰：此豈婦人女子所能也？雍曰：吾請先君死，昂發笑止之。明日，乃散其家貲與弟姪僕婢，悉遣之。元兵薄博也。城昂發晨起，書几上曰：國不可背，城不可降。夫婦同死，節義成雙。遂與雍氏同縊，意死於從容堂。林開門降，伯顏入城，問太守何在，左右以死對，深歎息之。命具棺衾合葬，祭其墓而去。事聞，贈華文閣待制，諡文節。雍氏贈順義夫人。綱元主封其子那木罕。

趙昂發妻
雍氏

為北平王，以安童行省院事于北鄙。綱元太宗窩闊台長孫曰海都，居北方。自定宗貴由以來，日尋干戈。至是詔封那木罕為北平今直隸王，率諸王兵鎮守。而安童總省院之政。綱元平章軍國重事史天澤卒。綱天澤至真定今直隸，病篤，附奏曰：臣死不足惜，但願天兵渡江，慎勿殺掠，語不及他。元主聞計，震悼，贈太尉，諡忠武，追封鎮陽王。綱孫虎臣、夏貴之師潰，會于江上。賈似道奔揚州。元盡陷江淮州軍。綱賈似道以精銳七萬餘人，盡屬孫虎臣，軍於池州下流之丁家洲。

夏貴以戰艦咸上聲。戰船。二千五百艘搜。總名。橫互江中。

似道自將後軍軍魯港貴嘗失利於鄂見上卷末。恐督府

成功無所逃罪又忌虎臣新進出已上殊無鬪志會

伯顏令軍中作大棧同。棧。數十。採薪芻置其上陽言欲

焚舟諸軍但晝夜嚴備而戰心少懈伯顏分步騎夾

岸而進麾戰艦合勢衝虎臣軍時阿朮與虎臣對陣

伯顏命舉巨砲擊虎臣中堅虎臣軍動阿朮以划華

船數千艘乘風直進呼聲動天地虎臣前鋒將姜才

方接戰虎臣遽過其妾所乘舟衆見之謹歡。譁也。曰步

夏貴殊無關志

諸軍晝夜嚴備

孫虎臣遠過妾舟

帥遁矣軍遂亂夏貴不戰而走以扁篇。舟掠似道

船呼曰彼衆我寡勢不支矣似道聞之錯愕失措遽

鳴鉦見四卷九。收軍舳艫見上。簸蕩乍分乍合阿朮

以小旗麾將較帥輕銳橫擊深入諸軍回棹前走伯

顏以步騎左右掎見二十一卷。之殺溺死者不可勝升計。

水為去聲。之赤軍資器械盡為元所獲似道夜駐珠金

沙召貴計事頃之虎臣至撫膺哭曰吾兵無一人用

命者貴微笑曰吾嘗血戰當之矣似道曰計將安出

貴曰諸軍已膽落吾何以戰師相惟有入揚州今江

唐震江萬里死節

州招潰兵迎駕海上。吾當以死守淮西耳。遂解舟去。似道乃與虎臣單舸，奔還揚州。明日潰兵蔽江而下，似道使人登岸揚旗招之，皆莫應。有為惡語謾罵之者，於是鎮江、寧國、隆興、和州、無為、軍陰見守臣皆棄城遁。太平、饒州、知州事唐震故相江一見上，俱相繼降元。綱元陷饒州，知州事唐震故相江萬里死之。元軍略饒州，知州唐震發州民城守。時元遣使來取降款，通判萬道同陰使所部斂白金牛酒備降禮，微諷震降。震叱之曰：我忍偷

唐震擲筆不屈

止水

江萬里闔門死節

生負國邪。城中少年感震言，殺元使者已。而元軍登陴，皮城衆皆散。震入坐府中，元軍執牘使署降。震擲筆於地，不屈，遂死之。兄椿與家人俱死。初江萬里聞襄樊破，見上卷，鑿池芝山，後圃扁其亭曰止水。人莫喻其意。至是執門人陳偉器手曰：大勢不可為，余雖不在位，當與國為存亡。既而元軍執其弟知南劍州，延平府，萬頃索金銀不得，支解之。萬里赴止水死。左右及子鎬相繼投沼中，積屍如壘。翌日萬里屍獨浮出水上。從者斂葬之事，聞贈震華文閣

待制諡忠介萬里太傅益國公諡文忠綱行宮畱守
 趙潛棄建康而遁綱賈似道土書請遷都王燾去位
 似道至揚州檄吸文也移列郡如海上迎駕土書請
 遷都太皇太后不許殿帥韓震復以為請詔下公卿
 雜議王燾請堅蹕見十一卷四未決以已不能與大計乞
 罷政不待報徑去已而宗學生上言陛下移蹕不於
 慶元今浙江寧波府則於平江今江蘇蘇州府事勢危急則航海幸
 閩治福建福州府不思我能往彼亦能往徒驚擾無益乃止
 賈賊義不容誅
 雲間張氏曰賈賊上表遷都義固不容誅矣其書王燾去位者何蓋位者君之所與當以死守

王燾小人

張世傑將兵入衛

文天祥起兵勤王

而不當去者也平時則居之以饗富貴歸難則去之以圖苟免若王燾者其小人乎
 綱張世傑將兵入衛遂復饒州見上目時方危急徵諸
 將勤王多不至惟世傑來上下歎異陳宜中疑世傑
 歸自元易其所部軍綱江西提刑文天祥起兵勤王
 目勤王詔至贛幹今江西贛州府天祥奉捧之涕泣發郡中
 豪傑并結溪峒山蠻有衆萬人遂入衛天祥性豪華
 平生自奉甚厚聲伎滿前至是痛自抑損盡以家貲
 為軍費每與賓客僚佐語及時事輒撫几曰樂人之
 樂者憂人之憂食人之食者死人之事聞者為之感

李芾遣兵入援

動綱湖南提刑李芾遣兵入援。芾性剛直，忤賈似道，貶官家居者久之。至是，提刑湖南長沙府發壯士三千人，使將將之勤王。

三人異名而同志

靜軒周氏曰：是時臨安危急，遠近無入援之師。內外無勤王之將，獨張世傑將兵入衛。文天祥起兵勤王，李芾遣兵入援，三人者異名而同志。可謂能急其君者爾。雖皆未克成功，然其心顧不善哉。綱目詳書於策，所以示中國復讎之義為臣子徇國之勸也。其垂訓大矣。

綱以陳宜中知樞密院事，曾淵子同知院事。文及翁簽書院事，倪普同簽書院事。綱遣元行人郝經還。經至燕卒。元主復使經弟行樞密院都事庸等來問。

郝經續後漢書

經所在，詔遣總管段佑以禮送經歸。經道病，元主敕尚醫近侍迎勞。至燕卒，謚文忠。經為人尚氣節，為學務有用。及被畱，撰續後漢書及易春秋外傳諸書。從者皆通於學。書佐荀宗道後，亦至國子祭酒。綱賈似道有罪，免。廣觀分注太皇太后之言，似道若無罪者，而大書曰有罪者何正天討也。書有罪免者何失。目陳宜中初附似道，得驟登政府。及堂吏翁應龍自軍中以都督府印還，宜中問似道所在，應龍以不知對。宜中意其已死，即上疏乞誅似道以正誤國之罪。太皇太后曰：似道勤勞三朝，安忍以一朝

汪立信卒于軍

之罪失待大臣之禮。詔授似道醴泉觀使。罷平章都督。凡似道諸不卹民之政。次第除之。以公田給還田主。令率其租戶為兵。放還諸竄謫人。**綱**右丞相章鑑遁。鑑聞元兵日迫。託故徑去。**綱**端明殿學士江淮招討使汪立信卒于軍。**綱**立信聞賈似道師潰。江漢守臣望風降遁。歎曰。吾今日猶得死於宋土也。乃置酒召賓僚與訣。手自為表。起居三宮。與從子書屬**祝**以家事。夜分起步庭中。慷慨悲歌。握拳撫案者三。以是失聲。三日扼吭。罔。咽。喉也。而卒。後元軍至建康。見上。金明以其家人

汪立信忠臣之魁

免或以立信三策。見上卷二七。及死。告伯顏請戮其孥。伯顏歎息久之。曰。宋有是人。有是言哉。使果用之。我安得至此。命求其家厚卹之。曰。忠臣之家也。金明以立信之喪歸葬丹陽。廣義。似道姦臣之首。汪立信忠臣。使德祐之君長而賢明。則用舍未必如是之顛倒。而國事決不至此。大書江淮招討使汪立信卒于軍。所以表其死於王事也。**綱**元博羅權入漣海州。見上卷四。**綱**三月。陳宜中殺殿前都指揮使韓震。**綱**或言震謀劫帝遷都。陳宜中欲示非賈似道黨。乃召震計事。伏壯士袖鐵椎擊殺之。震部曲見十三卷十五部伍。百餘人大鬪而

出射石火箭入宮斫酌也。嘉會門宜中遣兵逐之遂
奔建康。上見綱元伯顏入建康。建康都統徐旺榮迎
伯顏入城居之時江東大疫居民乏食伯顏開倉賑
之且遣醫治疾民大悅會元主有詔以時方暑不利
行師俟秋再舉伯顏上言曰百年逋布平敵已扼其
吭見上少爾遲回奔播海島遺後悔矣元主從之詔伯
顏以行中書省駐建康阿朮分兵駐揚州見上與博
羅權塔出絕宋淮南之援伯顏分兵四出知廣德軍
今江南廣德州令狐榘以城降元綱詔諭元呂文煥陳奕范

滿朝歡

文虎使通好去聲息兵綱以王燾陳宜中為左右丞相
並兼樞密使都督諸路軍馬綱削章鑑官放歸田里
綱鑑既去太皇太后遣使召還罷相予祠韓震之死
鑑明其無他為御史王應龍所劾削其官放歸田里
鑑居位號寬厚與人多許可時目為滿朝歡綱復吳
潛同士壁官貶竄賈似道黨人有差綱御史陳過潘
文卿請竄賈似道并治其黨與詔刺戚配翁應龍於
吉陽軍今廣東瓊罷廖瑩中王庭劉良貴陳伯大董
樸等官綱元軍入常州綱知常州今江南趙與鑑遁

綱鑑易知錄 卷八九 宋恭宗 十

州人王良臣等以城降元。綱知平江府。今江南蘇州府潛說

友叛降元。綱詔張世傑總都督府諸軍。世傑分道出

兵以拒元。目世傑遣其將閣順李存進軍廣德。謝洪

求進軍平江。李山進軍常州。順遂復廣德軍。綱有二

星鬪于中天。一星隕。綱趣促五郡鎮撫使呂文福將

兵入衛。文福殺使者。叛入江州。綱臨安戒嚴。曾淵子

文及翁倪普等棄位而遁。詔戒禁之。目元兵既近。臨

安戒嚴。整兵也於是同知樞密院事曾淵子等數十人

皆遁。朝中為之蕭然。簽書樞密院事文及翁同簽書

二星鬪
星隕

詔榜朝堂

院事倪普諷臺諫劾已章未上。亟出關遁。太皇太后

聞之。詔榜朝堂云。我朝三百餘年待士大夫以禮。吾

與嗣君遭家多難。爾小大臣未嘗有出一言以救國

者。內而庶僚。畔官離次。外而守令。委印棄城。耳目之

司。既不能為吾糾擊。二三執政。又不能倡率羣工。方

且表裏合謀。接踵宵遁。平日讀聖賢書。自諉謂何。乃

於此時作此舉措。生何面目對人。死亦何以見先帝。

天命未改。國法尚在。其在朝文武官。負國棄予者。令

御史臺覺察以聞。然不能禁也。綱元禮部尚書廉希

張濡殺元使

賢等來至獨松關守將張濡殺之。元主遣禮部尚書廉希賢工部侍郎嚴忠範奉國書來至建康希賢請兵自衛伯顏曰行人以言不以兵兵多反致疑耳希賢固請遂以兵五百送之伯顏仍下令諸將各守營壘勿得妄有侵掠希賢等至獨松關在蘇州府吳江縣東北張濡部曲見殺忠範執希賢送臨安希賢病創傷也死濡俊之曾孫也朝廷使人移書元軍言殺使之事乃邊將太后及嗣君實不知當按誅之願輸幣請罷兵通好伯顏曰彼為詐計視我虛實耳當擇人同往

賜何基王柏贈諡

觀其事體令彼速降乃遣議事官張羽同使人還臨安羽至平江被殺。元阿里海涯入岳州今湖廣岳州府以陳合同簽書樞密院事。夏四月元阿里海涯寇江陵今湖廣荊州府江陵縣朱禩孫高達以城降荆南即荊州府軍皆陷元授高達參知政事禩孫至上都死綱以高斯得簽書樞密院事。綱以福王與芮為浙東治浙江紹興府安撫大使開府紹興。綱元阿朮寇揚州見上李庭芝遣守將苗再成姜才帥兵禦之敗績。綱加李庭芝參知政事五月劉師勇復常州。綱賜婺州今浙江金華府處士何基王柏贈

宋信為衣冠禮樂之

諡曰基少師事黃幹見八四幹告以必有真實心地。刻苦工夫。而後可基悚惕受命。遂得聞淵源之懿。趙汝騰蔡抗楊棟相繼薦於朝。詔與州學教授。基固辭。柏年三十始知為學之源。捐去俗學。勇於求道。從基遊。基授以立志居敬之旨。以質實堅苦自勵。凡六經易書詩春秋禮樂經四書及濂洛關閩見六四卷之書皆有著述。至是詔諡基曰文定。贈柏承事郎。
靜軒周氏曰。是時宋瀕危亡。自救不暇。本非可以行清平之事也。而賜何基王相贈諡。乃見於兵亂顛危之日。此可見宋之厚之心。崇儒之念。雖至於區區亡國之頃。猶能如是。則其為衣冠

禮樂之國。顧不信哉。綱目特揭而書之。蓋予之也。或以為譏。則過矣。

綱以張珩覺為四川制置副使。綱籍呂文煥陳奕范文虎家。綱詔張世傑等四道出兵以禦元。時知慶遠府屬廣西仇子真淮東兵馬鈐轄阮克己各將兵入衛。詔與世傑張彥分道出擊元軍。臺諫請命大臣監護。事下公卿雜議久而不決。陳文龍上言書云。三后協心同底于道。北兵今日取某城。明日築某堡。而我以文相遜。以迹相疑。譬猶拯溺救焚。而為安行徐步之儀也。請詔大臣無滋虛議不報。綱六月朔日食既。

張世傑
山之敗

晝晦如夜。綱成都今四川成都府西川治也安撫使。督聲萬壽以嘉定今四川嘉定州諸城叛降元。元以萬壽領西綱以王燭平章軍國重事。陳宜中留夢炎為左右丞相。並兼樞密使。都督諸路軍馬。綱加李庭芝知樞密院事。綱秋七月。張世傑與元阿朮戰焦山下。世傑敗績。奔圖山。綱世傑與劉師勇孫虎臣等。大出舟師萬餘艘。見上。次於焦山。見七八卷二八令以十舟為方碇。碇。鎮江中流。非有號令。舟得發碇。示以必死。元阿朮登石公山望之。曰可燒而走也。遂遣健卒善鼓者千人。載以

放賈似道
于循州

巨艦。見四分兩翼夾射。石阿朮居中。合勢進戰。繼以火矢蓬檣俱焚。烟燄蔽江。諸軍死戰欲走。不能前。多赴江死。張弘範董文炳復以銳卒橫衝。世傑不復能軍。奔圖山。阿朮弘範追之。獲白鷓鴣子七百餘艘。師勇還常州。虎臣還真州。世傑請濟師。不報。綱放賈似道于循州。籍其家。目似道既免。三學生及臺諫侍從。皆上疏乞誅似道。太皇太后不許。及似道上表自劾。且言為夏貴孫。虎臣所誤。乞保餘生。有旨令李庭芝津遣歸越。今浙江紹興府以終喪制。似道留揚不還。王燭復論

似道既不死忠又不成孝乞下詔切責似道得詔乃還紹興府紹興守臣閉城不納王爚復言於太后曰本朝權臣稔禍未有如似道之烈者搢紳茅草不知幾疏陛下皆抑而不行付人言於不恤何以謝天下太后乃降似道三官婺州見居住婺人聞似道至率衆為露布卷五十四逐之復詔徙於建寧府屬福斬翁應龍籍其家瘞瑩中王庭除名流之嶺南皆自殺於是御史孫嶸宏叟等文以似道罪重罰輕乞斬之以正法方回復上疏論似道僥詐貪淫褊驕吝專忍謬

翁合劾賈似道

建寧朱熹講道之闕里

十罪太皇太后猶不聽翁合上言似道以妒賢無比之林甫輒自託於伊周以不學無術之霍光敢效尤於莽操其總權罔上賣國名兵專利虐民滔天之罪人人能言迫於衆怒僅謫建寧夫建寧實朱熹講道之闕里朱子嘗居建寧府建陽縣之考亭學者號為南州闕里雖三尺童子亦知向方聞似道名咸欲嘔唾沉見其面乎乞遠投荒昧以禦魍魎見六十二卷二十遂詔責授高州今廣東高州府團練副使循州今廣東惠州府安置籍其家遣使監押之貶所會稽縣屬浙江紹興府尉鄭虎臣以其父嘗為似道所配欲報之

綱鑑易知錄

卷八九

宋恭宗

十五

欣然請行。似道時寓建寧之開元寺。侍妾尚數十人。虎臣至。悉屏丙去。撤轎蓋。暴僕行。秋日中。令舁預對舉。

也。轎夫唱杭州歌謔之。每名斥似道。窘辱備至。一日入古寺。壁上有吳潛見上卷南行所題字。虎臣呼似

道曰。賈團練。吳丞相。何以至此。似道慙不能對。至泉

州今福建泉州府洛陽橋在府城東北。跨洛陽江。一遇葉李

見上卷自漳州放還。見於客邸底。李賦詞贈之。似道

俯首謝焉。綱復皮龍榮官。綱陳宜中去位。詔罷王燦

為醴泉觀使。名宜中于溫州。今浙江溫州府。初張世傑之

將出師也。王燦謂二相陳宜中。雷夢炎。宜一人督師。吳門否

則臣雖老無能為。若效死封疆。亦不敢辭。曾世傑敗

於焦山。燦復言曰。事無重於兵。今二相並建都督。廟

算指授。臣不得而知。比者六月出師。諸將無統。臣豈

不知吳門去京不遠。而必為此請者。蓋大敵在境。非

陛下自將。則大臣開督。今世傑以諸將心力不一。而

敗。不知國家尚堪幾敗邪。臣既不得其職。又不得其

言。乞罷平章。太后不許。既而京學生劉九臯等伏闕

上書。言宜中擅權。其略以為趙潛趙與鑒皆棄城遁

劉九臯等伏闕上書

宜中乃借使過之說以報私恩。令狐槩潛說友皆以城降乃受其苞苴。見二卷九而為之羽翼。文天祥率兵勤王。信讒而沮撓之。賈似道喪師辱國。陽請致罰而陰佑之。元兵薄博通也國門。勤王之師乃留之京城而不遣。宰相當出督而畏縮猶豫。第令集議而不行。呂師夔狼子野心。而使之通好乞盟。張世傑步兵而用之於水。劉師勇水兵而用之於步。指授失宜。因以敗事。臣恐談國將不止於一似道也。初宜中書多專決。不關白。燾或謂京學之論實燾。嗾數之書上。宜中徑去。

遣使四輩名之。不至。太后乃下九臯等臨安獄。而手詔曰。給舍給事中及中書舍人之奏。謂燾與宜中必難久處。兼燾近奏乞免平章。辭氣不平。誠有如人言者。可罷燾平章軍國重事。以少保觀文殿大學士充醴泉觀使。是歲卒。燾清脩剛勁。不阿權勢。及為相。屬中國勢危亡。乃不能協謀以濟大事。士論惜之。綱元以伯顏為右丞相。阿朮為左丞相。元主召伯顏還至上都。面陳形勢。乞即進兵。遂拜右丞相。伯顏辭曰。阿朮功多。臣宜居後。乃進阿朮左丞相。仍詔伯顏直趨臨安。阿

綱鑑易知錄

宋仍攻淮南治江南揚州府阿里海涯取湖南治湖廣長沙府萬戶

宋都餉及呂師夔李恆等取江西綱以陳文龍同

簽書樞密院事綱八月以李芾知潭州文天祥知平

江府綱天祥至臨安上疏言本朝懲五季五代之亂削

藩鎮建都邑一時雖足以矯尾大見五七卷二二之弊然國

以寢弱故敵至一州則一州破至一縣則一縣殘中

原陸沉陸地沉溺言中原淪沒也痛悔何及今宜分境內為四鎮

建都統於其中以廣西益湖南而建闢於長沙以廣

東益江西而建闢於隆興今江西南昌府以福建益江東南

文天祥四
鎮之策

建闢於番同鄱陽府今江西饒州以淮西益淮東而建

闢於揚州音婆責長沙取鄂鄂州今湖北廣武昌府隆興取蘄其今

州蘄州即黃州番陽取江東揚州取兩淮地大力衆乃

足以抗敵約日齊奮有進無退日夜以圖之彼備多

力分疲於奔命而吾民之豪傑者又伺閒諫出於其

中如此則敵不難却也時議以為迂闊不報命知平

江府今江南廣信國公之謀略其條理謹嚴可謂不

者反為迂闊而不綱元以廉希憲行省事于江陵見

報宋事不可為矣綱九月元兵陷泰州屬揚州府孫虎臣自殺綱冬十月

信國公不
世出之高
識

綱鑑易知錄

卷八九

宋恭宗

十八

李芾守潭州

詔張世傑劉師勇總出戍。兵綱以留夢炎陳宜中為左右丞相兼樞密使都督諸路軍馬。宜中在溫州被召以親老力辭太后自為書遺其母綱元阿思海涯圍潭州。即楊氏使諭之宜中乃赴名綱李芾力戰禦之。綱李芾至潭。元遊騎已入湘陰。沙府湘陰縣益陽今長沙府益陽縣諸縣城中守卒不滿三千。芾結峒蠻為援。繕器械峙雉備也芻糧。柵江脩壁。及元兵至。芾慷慨登陴。見上與諸將分地而守。民老弱皆出結保伍助之。不令而集。芾日以忠義勉將士。死傷相藉。謝也。枕藉也。人猶飲血乘城。殊死戰。有來招降者。輒

黯淡灘

朱綿庵

李庭芝守揚州

殺之以徇也。綱監押官鄭虎臣殺賈似道于漳州。目似道舟次南劍州。今福建延平府黯淡灘。虎臣曰水清甚。何不死於此。似道曰太后許我以不死。候有詔即死。十月至漳州。今福建漳州府朱綿庵。虎臣曰吾為天下殺。似道雖死何憾。遂拘其子與妾於別館。即廁上拉蠟折也其胸殺之。陳宜中至福州。今福建福州府捕虎臣斃於獄。綱元阿木圍揚州。李庭芝力戰禦之。綱阿木攻揚。久而無功。乃築長圍困之。城中食盡。死者枕藉滿道。而庭芝之志益堅。會伯顏至灣頭。遂議深入。綱元伯顏渡

江分兵東下伯顏分兵為三道水綱文天祥遣兵救

常州今江南不克綱十一月以陳文龍同知樞密院

事黃鏞同簽書院事綱元將阿剌粹罕陷廣德軍四

安鎮名文天祥入衛目阿剌罕破銀樹東壩戎將趙

淮葵之死之遂陷廣德軍見上四安鎮陳宜中倉皇

發臨安民年十五以上者皆籍為兵號武定軍名支

天祥於平江綱元將宋都解李恆等陷江西州軍都

統密佑逆戰于撫州今江西死之綱元伯顏陷常州

屠其民知州事姚嵩銀通判陳焯都統王安節死

趙淮死節

武定軍

密佑死節

姚嵩陳焯
王安節死

伯顏至常州會兵圍城姚嵩陳焯劉師勇王安節

力戰固守伯顏遣人招之譬喻百端終不聽伯顏怒

命降人王良臣役城外居民運土為壘土至併人以

築之且殺民煎膏取油以作砲焚其牌杖又日夜攻

不息城中甚急而嵩等守志益堅伯顏乃叱帳前諸

軍奮勇爭先四面並進城遂破嵩死之焯與安節猶

巷戰或謂焯曰城東北門未合可走焯曰去此一步

非死所矣日中兵至死焉伯顏命屠其民執安節至

軍前不屈亦死師勇以八騎突圍走平江嵩希得見上

去此一步
非死所

卷八之子安節。堅見上之子也。綱以謝枋得為江西招諭使。知信州。目初枋得聞淮西江東西州郡守將皆呂氏部曲。見上故爭降附。自以與呂師夔善。乃應詔上書。以一族保師夔。可信。乞分沿江諸屯兵。以師夔為鎮撫使。使之行成。且乞身至江州。見上見文煥與議。朝廷乃以枋得為沿江察訪使。以往會文煥北還。不及而返。遂改知信州。見上綱元軍破獨松關。見上守將張濡遁。目獨松既破。鄰邑望風皆遁。朝廷大懼。時勤王師尚三四萬人。文天祥與世傑議以為淮東

堅壁閩廣全城。若與敵血戰。萬一得捷。則令淮帥以截其後。國事猶可為也。世傑大喜。陳宜中白太后降詔。以王師務宜持重。議遂止。濡既遁。後為廉希賢之子所殺。綱元董文炳入江陰軍。見上綱左丞相雷夢炎遁。綱十二月詔許賈似道歸葬。返其田廬。以吳堅簽書樞密院事。綱遣工部侍郎柳岳如元軍。請平伯顏不許。綱陳宜中遣柳岳奉書如元軍前。稱廉尚書之死。見上乃盜殺之。非朝廷意。乞班師脩好。去聲岳見伯顏於無錫。今江南常州府無錫縣泣請曰。嗣君幼冲。在衰

得於小兒亦失於小兒

經中自古禮不伐喪。凡今日事至此者皆奸臣賈似道失信誤國爾。伯顏曰：汝國執戮我行人，故我興師。錢氏吳越王納土，李氏南唐李出降，皆汝國之法也。汝國得天下於小兒，亦失於小兒，其道如此，尚何多言。遂令囊加歹偕岳還，**綱**以陳文龍參知政事謝堂同知樞密院事。**綱**元伯顏入平江。張世傑未至平江已陷乃以兵入衛**綱**復遣柳岳如元求封，行至高郵，民殺之。陳宜中因柳岳還，復奏遣宗正少卿陸秀夫及呂師孟等同囊加歹使元軍求稱姪，納幣不從，則稱姪孫，且救呂

米立死節

官銜一牙牌書不盡

文煥令平聲通好去聲罷兵。秀夫等見伯顏於平江，伯顏不許。宜中乃白太后奉表求封為小國，太后從之。直學士院高應松不肯草表，改命京局官劉褒又然為之。岳等至高郵見上，**綱**松奚家莊為松從所殺。**綱**以文天祥簽書樞密院事。**綱**黃萬石叛降元，都統米立死之。**綱**立初從陳奕守黃州。今湖廣黃州府見上卷末奕降立潰，圍出萬石。見上署之帳前，元軍略行取江西立迎戰於江坊。同防兵敗被執，不降繫獄。至是萬石舉軍降元，元行省遣萬石諭立曰：吾官銜一牙牌書不盡。

今亦降矣。立曰：侍郎，國家大臣，立一小卒爾，但三世食趙氏祿，趙亡何以生為？立乃陳上生擒合死之人，與投拜者不同。萬石再三諭之，不屈，遂遇害。

綱丙子二年五月以後，端宗皇帝景炎元年，元至元十三年春正月，元阿里

海涯破潭州見上湖南治潭鎮撫大使知州事李芾

死之。湖南州軍皆陷，回阿里海涯督戰益急。城中大

窘，力不能支。諸將泣請曰：事急矣，吾屬為國死可也。

如民何？芾罵曰：國家平時所以厚養汝者為今日也。

汝第死守，有復言者，吾先戮汝。除夕，元兵登城，蟻附

李芾死節

尹穀為二子行冠禮

而上知衡州今湖廣衡州府尹穀時寓城中，知事不可為，乃

為二子行冠禮。或曰：此何時行此迂闊事？穀曰：正

欲令兒曹輩也冠帶見先人於地下，爾既畢禮，與其家

人自焚。芾命酒酌類之，因留賓佐會飲。夜傳令，猶手

書盡忠字為號，飲達旦。諸賓佐出，參議楊震赴園池

死。芾坐熊湘閣，名帳下沈忠遺去之金曰：吾力竭，分

當死，吾家人亦不可辱於俘乎。虜囚日俘，汝盡殺之，而

後殺我。忠伏地叩頭辭，以不能。芾固命之，忠泣而諾。

取酒飲去，其家人盡醉，乃徧刃之。芾亦引頸受刃。忠

楊震死節

李芾編門死節

沈忠死節

曾如驥死節

縱火焚其居。還家殺其妻子。復至火所。大勸舉身投地。乃自刎。潭民間之多。舉家自盡。城無虛井。縊意林木者相望。元且守將吳繼明。劉孝忠以城降。由是湖南州郡皆降於元。寶慶今明廣通判曾如驥亦不屈而死。事聞。贈芾端明。大學士。諡忠節。

靜軒周氏曰。李芾死節。表表在人。無可疑者。觀其闢門俱死。不辱敵手。而將佐潭民亦皆死之。蓋由芾素以忠義獎勸人心。故臨難皆無苟免也。既而李芾甫亡。湖南隨陷。可見湖南不亡。賴有芾在耳。則芾之有功於社稷。顧不偉哉。世之偷生苟免者。可以少知愧矣。故特以至節予之。
綱陳文龍黃鏞遁。綱以吳堅為左丞相兼樞密使。常

琳參知政事。日午宣麻。見五五慈元殿。文班止六

人。綱諸關兵皆潰。綱知嘉興府。屬浙劉漢傑以城降

元。元兵圍安吉州。今浙江湖州府知州趙良淳與提刑徐道

隆同守。時元兵迫行都。召道隆入衛。道絕不通。乃出

太湖。見七八經武康。今湖州府武康縣臨安。此縣名屬杭州府縣境

勤王范文虎致書誘良淳降。良淳焚書斬其使。元兵

至。良淳率眾城守。夜就焚。盤人舍草舍。陴。見上上不

歸。既而戍將吳國定開門納元兵。良淳命車歸府。兵

士止之。曰。侍郎何自苦。良淳吐去之。閉閣自經。元兵

趙良淳死節

綱監易知錄

卷八九 宋恭宗

二四

徐道隆死節

追道隆及之。一軍盡沒。道隆見執。守者少急。赴水死。
綱遣監察御史劉岳節奉表稱臣于元。目陸秀夫還
言伯顏不肯從伯姪之稱。太后命用臣禮。陳宜中難
之。太后涕泣曰。苟存社稷。稱臣非所較也。遂遣岳奉
表稱臣。上尊號。歲貢銀絹二十五萬兩匹。乞存境土。
以奉蒸嘗。且約伯顏會長安鎮。以輸平。綱常憚遁。以
夏士林簽書樞密院事。士林亦遁。綱進封吉王。是
為益王。判福州。信王昺為廣王。判泉州。目初召文天
祥知臨安府。天祥辭不拜。請以福王秀王判臨安。係

民望。身為少尹。以死衛宗廟。又乞命吉王信王鎮閩
廣。以圖興復。俱不許。至是宗親復請。太后從之。以駙
馬都尉楊鎮及楊淑妃弟亮節。兪充容弟如珪。提舉
二王府事。綱陳宜中請遷都。不果行。綱元伯顏軍阜
亭山。太皇太后遣使奉璽以降。右丞相陳宜中夜遁。
目伯顏至長安鎮。在杭州府海寧縣西北陳宜中違約不往議
事。伯顏乃進次阜亭山。在杭州府城東北阿剌罕董文炳之
師皆會。文天祥張世傑請移三宮入海。而已帥衆背
城一戰。宜中不許。白太后遣監察御史楊應奎上傳

國璽以降。伯顏受之。遣使名宜中出議降事。而使囊加反奉璽表。赴上都。應奎既行。是夜宜中遁歸於溫州。見上之清澳。都綱張世傑劉師勇各以所部兵入于海。世傑師勇及蘇劉義以不戰而降。遂去世傑次於定海。今浙江寧波府定海縣元石國英使都統卞彪標說世傑降。世傑大怒。斷短彪舌。磔窄也之於巾子山。在定海縣東師勇至海上。見時事不可為。憂憤縱酒卒。綱吳堅文天祥如元軍。伯顏執天祥遣堅還。綱楊應奎還言伯顏欲執政面議。太后乃以天祥為右丞相兼

張世傑斷卞彪舌

元伯顏執文天祥

樞密使與吳堅偕往。天祥辭不拜。遂行。因說伯顏曰。北朝若以宋為與國。請退兵平江。今江南蘇州府或嘉興。今江嘉興府然後議歲幣與金帛犒師。北朝全兵以還策之上也。若欲毀其宗社。則淮浙閩廣尚多未下。利鈍未可知。兵連禍結。必自此始。伯顏以北詔為辭。顧天祥舉動不常。疑有異志。留之軍中。遣堅還。天祥怒。數請歸。曰。我之此來為兩國大事。何故留我。伯顏曰。勿怒。君為宋大臣。責任非輕。今日之事。正當與我共之。令忙兀合唆都館伴羈縻。見二十八卷之。綱駙馬都尉楊

鎮等奉益王廣王走婺州。今浙江金華府 楊淑妃秀王

與釋從行。綱以家鉉翁簽書樞密院事。賈餘慶同簽

書院事。綱元呂師夔寇江東。謝枋得迎戰。敗績。枋

得與元戰於安仁。今江西饒州府安仁縣 矢盡而敗。遂奔建寧

今福建建寧府 山中。妻子皆被執。綱二月。日中有黑子。元伯

顏遣人入臨安。封府庫。收圖籍符印。伯顏承制。以

臨安為兩浙大都督府。命忙兀台范文虎入城治都

督府事。又令程鵬飛取太皇太后手詔。及三省樞密

院檄。吸。移。文也。諭州郡降附。執政皆署家鉉翁獨不肯

謝枋得安仁之敗。日中有黑子。

呂文煥表略

鵬飛命縛之。鉉翁曰。中書無縛執政之理。歸私第。以

待命可也。乃止。伯顏進屯湖州市。在杭城西 復令呂文

煥及范文虎等慰諭太皇太后。文煥因入內上表謝

而出。有曰。茲銜北命。來抗南師。視以大馬。報以仇讎。

非曰子弟攻其父母。不得已也。尚何言哉。伯顏令張

惠阿刺罕董文炳張弘範唆都等封府庫。收史館禮

寺圖書。及百司符印。告敕。罷官府及侍衛軍。綱以賈

餘慶為右丞相兼樞密使。劉昂節同簽書樞密院事。

與吳堅謝堂家鉉翁並充祈謝使。如元謝堂逃歸。綱

浙江潮三日不至

元人以文天祥北去。伯顏嘗引天祥與吳堅等同坐。天祥面斥賈餘慶賣國。且責伯顏失信。呂文煥從旁諭解之。天祥并斥文煥。及其姪師孟父子兄弟受國厚恩。不能以死報國。乃合族為逆。尚何言。文煥等慚。惠伯顏遂拘天祥。隨所請使北行。綱。浙江潮三日不至。綱。時元軍分駐江沙上。杭人方幸之。潮汐席。早日。潮夕。三日不至。綱。元伯顏使范文虎追益王廣王不。及。執楊鎮還臨安。二王遂走溫州。綱。夏貴以淮西叛。降元。知鎮巢軍洪福死之。綱。三月元伯顏入臨安。以

徐應禳死節

苗再成說文天祥

帝及皇太后全氏福王與芮等北去。綱。帝與太后肩輿出宮。太皇太后以疾留內。與芮及沂王乃猷度宗母隆國夫人黃氏并楊震謝堂高應松庶僚劉衰然三學生等皆行。太學生徐應禳標與其二男一女同赴井死。綱。文天祥自鎮江亡入真州。遂浮海如溫州。綱。天祥至鎮江。見上。與其客杜濬虎等十二人夜亡入真州。見上。十四。苗再成出迎。喜且泣曰。兩淮兵足以興復。特二閩少隙不能合從。宗耳。天祥問計將安出。再成曰。今先約淮西兵趨建康。今江南。彼必悉力以扞

吾西兵指揮淮東諸將以通今江南揚州府通州泰今揚州府泰州兵

攻灣頭以高郵今揚州府高郵州寶應今揚州府寶應縣淮安今江南

安兵攻揚子橋以揚兵攻瓜步山名在儀真縣西吾以舟師

直擣鎮江同日大舉灣頭揚子橋皆沿江脆輕也兵且

日夜望我師之至攻之即下合攻瓜步之三面吾自

江中一面薄博也之雖有智者不能為之謀矣瓜步

既舉以淮東兵入京口即鎮江淮西兵入金陵即建康要

邀其歸路其大帥可坐致也天祥大稱善即以書遣

去李庭芝遣使四出結約初天祥未至真時揚有脫

歸兵言元密遣一丞相入真州說降矣庭芝信之以

天祥來說降也使再成亟殺之再成不忍給臺上聲

天祥出相城壘以制司文示之閉之門外久之復遣

二路分覘諂平去二聲天祥果說降者即殺之二路

分與天祥語見其忠義亦不忍殺以兵二十人道之

如揚四鼓抵城下聞候門者曰制置司下令捕文丞

相甚急衆相顧吐舌天祥乃變姓名由通州汎海如

溫州以求二王綱元以阿刺罕董文炳行省事于臨

安綱伯顏北還承制畱阿刺罕董文炳經略閩浙以

忙兀合鎮浙西治杭州峻都鎮浙東治紹興府會江西都元帥宋都解言宋二王在閩廣聚兵將攻江西乃遣塔出移軍與李恆呂師夔會阿刺罕文炳同取未下州縣以追二王綱閏月陳宜中等奉益王為天下兵馬都元帥廣王副之開府福州起兵興復陸秀夫蘇劉義等聞二王走溫州繼追及於道遣人名陳宜中於清澳見上宜中來謁復名張世傑於定海見同上世傑亦以所部兵來溫之江心寺舊有高宗南奔時御座衆相率哭座下奉益王為都元帥廣王副之發

兵除吏以秀王與樺為福建即閩中治福州府察訪使先入閩中撫諭士民檄吸兵之書名諸路忠義同獎王室會太皇太后遣二宦者以兵百人召二王還臨安宜中等去聲沉其兵江中遂入閩時黃萬石降元見上以嘗為福建漕使欲取全閩為己功汀今福建汀州府建寧府諸州方謀從萬石送款聞二王至復閉門以拒萬石南劍見上守臣林起鰲遣軍逐之萬石敗走其將士多來歸兵勢稍振綱帝至瓜洲李庭芝使姜才將兵夜擣元軍不克目帝北行至瓜洲見八二卷十八庭芝與才

綱鑑易知錄 卷八十九 宋恭宗 三十一

夜擣瓜洲

姜才不作降將軍

涕泣誓將士出奪之。將士皆感泣。乃盡散金帛犒兵。以四萬人夜擣瓜洲。戰三時。衆擁帝避去。才追戰至浦子市。夜猶不退。阿朮使人招之。才曰：吾寧死，豈作降將軍邪？真州見上苗再成亦謀奪駕，不克。

靜軒周氏曰：是時天子蒙塵，車駕北狩，宋之臣子未有謀迎大駕，還復舊都之心者。獨庭芝與才涕泣誓衆奮志舉事，雖夜擣元軍，不克而返。然其忠國之心亦誠矣。故綱目特書以予之也。

綱夏五月朔，益王即位于福州。遙上皇帝尊號，尊度宗淑妃楊氏為皇太妃。同聽政。改元景炎。遙上帝尊號為孝恭懿聖皇帝。升福州為福安府。以大都督府。

為垂拱殿，便廳為延和殿。王剛中知福安府。是日有大聲出府中，衆皆驚仆。綱進封廣王為衛王。以陳宜中為左丞相兼樞密使，都督諸路軍馬。陳文龍、劉黼參知政事。張世傑為樞密副使。陸秀夫直學士院。蘇劉義主管殿前司。名李庭芝為右丞相。姜才為保康軍承宣使。綱詔江西制置使趙潛招諭使吳浚等分道出師，興復帝室。目詔以趙潛為江西制置使。進兵邵武。今福建謝枋得為江東制置使，進兵饒州。今江西李世達、方興等進兵浙東。見上吳浚為江西招

諭使鄒鳳副之毛統由海道至淮約兵會合仍詔傳
卓翟國秀等分道出兵時枋得敗走已不能軍綱文
天祥至自溫州以為樞密使同都督諸路軍馬天祥使呂
武招豪傑於江淮綱元主忽必烈廢德祐帝為瀛國
杜濟募兵於溫州綱元以伯頴同知樞密院事綱罷直學士院陸秀
夫秀夫與陳宜中議不合宜中使言者劾罷之謫居潮州綱元將唆都陷衢州
今浙江衢州府江東西湖南北宣撫大使雷夢炎降綱六月
元軍入廣州今廣東廣州府綱秋七月文天祥開府南劍州
見經略江西綱李庭芝妻才赴召至泰州揚州守將

李庭芝妻
才死節

朱煥泰州裨皮將孫貴等皆降于元庭芝才死之淮
東盡陷圍臨安既陷阿朮以太皇太后手詔諭庭芝
使降庭芝登城謂使者曰奉詔守城未聞以詔諭降
也既而阿朮復遣使者持元主詔招庭芝庭芝開壁
納使者斬之焚其詔於陣見上上會福州使至庭芝
命制置副使朱煥守揚而自與姜才將兵七千趨泰
州屬揚州府將東入海庭芝既行煥即以城降阿朮分道
追及庭芝殺步卒千餘人庭芝走入泰州阿朮圍之
且驅其妻子至陣下招降會姜才疽發背不能戰泰

州裨將也。孫貴胡惟孝開北門納元軍。庭芝赴蓮池中。水淺不死。遂與姜才俱被執。至揚州。阿木責其不降。才曰：不降者我也。憤罵不已。然猶愛其才勇，未忍殺之。朱煥請曰：揚自用兵以來，積骸滿野，皆庭芝與才所為。不殺之何俟？阿木乃皆殺之。揚民聞者莫不泣下。

李姜即張許之節義

雲間張氏曰：李庭芝姜才之死，即張巡許遠之節義也。然張巡許遠雖死，而唐室為之再造，巡遠之功居多也。庭芝姜才既死，而宋室之不復興，豈李姜之才力未優於巡遠歟？曰：巡遠之死，未敢必平唐室之再興，李姜之死，未敢料乎宋室之不復，忠臣惟盡此心而已。其他非所計焉。

苗再成死節

綱八月元軍入真州。見苗再成死之。綱元人以太皇

太后謝氏北去。太后以病久留臨安，至是元人自宮中昇其牀以出，侍衛七十人遂赴燕

降封壽春。綱九月元軍分道寇閩廣。綱阿剌罕董文

炳及忙兀台唆都以舟師出明州。寧波府塔出及呂

師夔李恆等以騎兵出江西。綱東莞。官。今廣東廣

民熊飛起兵。會趙潛復韶。今廣東韶州府。綱冬。

十月文天祥帥師次于汀州。目天祥遣趙時賞等將

一軍趨贛。見上。以取寧都。今贛州府。寧都縣。吳浚將一軍取

粵都。劉洙等皆自江西起兵來會。綱元呂師夔等將

熊飛起兵

熊飛死節

兵度梅嶺。在廣東南雄府城北。江西南安府城南。遂入韶州。熊飛死之。

趙潛使飛及曾逢龍禦元軍於南雄。逢龍敗死。飛

走韶州。元軍圍之。守將劉自立以城降。飛率兵巷戰

兵敗。赴水死。綱十一月。元阿剌罕董文炳入處州。今浙江

秀王與禪死節

江處州府。秀王與禪等逆戰于瑞安。今浙江溫州府。敗績死之。

綱元軍入建寧府。屬福建。邵武軍見綱陳宜中張世傑

奉帝航海。北兵既逼。陳宜中張世傑備海舟奉帝

及衛王楊太妃等登舟。時軍十七萬人。民兵三十萬

人。淮兵萬人。與北舟相遇。值天霧晦冥。不辨。舟得以

陳文龍死節

進。時元軍侵福安。王積翁為內應。遂與王剛中同降元。綱帝至泉州。今福建泉州府。招

撫使蒲壽庚作亂。帝走潮州。今廣東潮州府。十二月。壽庚以

泉州叛降元。綱元人入興化軍。知軍事陳文龍死之。

王剛中既降。遣使至興化軍。今福建興化府。文龍斬之。而

發民固守。使部將林華伺元兵于境上。華反導元兵

至城下。通判曹澄孫開門降。執文龍欲降之。文龍指

其腹曰。此皆節義文章也。可相逼邪。卒不屈。乃械送

杭州。文龍不食死。綱元阿里海涯破靜江。今廣西桂林府。坑

鏗其民都統馬瑩死之。瑩被執。斷其首。猶握拳奮起立踰。時始什。廣西

此皆節義文章

馬瑩死節

州郡皆陷。綱帝次惠州。今廣東惠州府。遣使奉表請降于元。

尺木堂綱鑑易知錄卷八九

尺木堂綱鑑易知錄卷九十

周之炯靜專

綱目續編定本 山陰吳乘權楚材同輯

周之燦星若

南宋紀

端宗皇帝 名昀 度宗長子 恭宗之兄 在位三年 為元兵所逼 年十一 崩於嶺南之碓州

綱丁丑 端宗皇帝景炎二年 元至元十四年 春正月 文天祥

移屯漳州 今福建汀州府 見上卷三三 守黃去疾及吳

浚降元 綱元命道士張宗演領江南道教 綱二月元

元軍引還

軍入廣州。見上卷遂陷廣東諸郡。**綱**文天祥誅吳浚。**綱**浚既降元。因至漳州。說天祥降天祥。責以大義。斬之。**綱**元軍引還。畱潛說友為福州宣慰使。王積翁副之。**綱**時北方有警。元主召諸將班也還。師。凡諸將及淮兵在福安。見上卷者。命李雄統之。**綱**元以西僧楊璉真加總攝江南釋教。**綱**三月。文天祥復梅州。今廣東潮州府**綱**程鄉。**綱**元將李雄殺潛說友。**綱**陳瓚起兵。復興化軍。瓚文龍從子也。舉兵誅林華。復其城。**綱**夏四月。廣東制置使張鎮孫復廣州。五月。張世傑復潮州。**綱**文天祥引兵自梅州

出江西。**綱**吉。今江西吉安府贛。今江西贛州府兵皆會之。遂復會昌縣。屬贛州府**綱**六月。文天祥敗元軍于雩都。今贛州府**綱**秋七月。使趙時賞等分道復吉贛諸縣。遂圍贛州。**綱**張世傑會師討蒲壽庚于泉州。傳檄吸諸路。遂復邵武軍。**綱**世傑以元軍既退。自將淮兵討蒲壽庚。時汀漳諸路劇盜陳弔眼及許夫人所統諸峒畬。于軍皆會。兵勢稍振。壽庚閉城自守。世傑遂傳檄諸路。陳瓚起家丁義民五百人。應世傑。世傑遣將復邵武軍。**綱**八月。元李恆襲文天祥于興國縣。天祥兵潰。會走循

綱鑑易知錄

卷九十一 宋端宗

二

鞏信趙時
賞等死節

州諸將鞏拱信趙時賞等皆死之。目李恆遣兵援贛。而自將攻天祥于興國。今贛州府興國縣天祥不意恆猝至。遣兵戰鍾步不利。時鄒鳳馮聚兵數萬於永豐。今吉安府求豐縣。天祥引兵就之。會鳳兵先潰。會恆追天祥至方石嶺。及之。鞏信以短兵接戰。恆駭其以寡敵衆。疑有伏。斂兵不進。信坐巨石。餘卒侍左右。箭雨集屹。銀入聲不動。恆從間諫道就視之。創昌傷也。被體而死。不仆。天祥至空院。鏗兵盡潰。時趙時賞坐肩輿後。元軍問為誰。時賞曰：我姓文。衆以為天祥擒之。恆遍求俘。孚軍所。

虜囚日俘。虜人識認。有曰：此趙督參時賞也。天祥由是得與杜澣鄒鳳乘騎逸去。至循州。今廣東惠州府散兵頗集。天祥妻子及幕莫僚客將皆被執。時賞至隆興。今江西南昌府奮罵不屈。有繫累至者。輒麾去云：小小僉廳官耳。執之何為。得脫者甚衆。臨刑。劉洙頗自辨。時賞叱曰：死耳。何必然。於是被執者皆死。恆送天祥妻子家屬於燕。二子死於道。綱九月。帝遷潮州。今廣東潮州府之淺灣。綱元將塔出等引兵入大庾嶺。即梅嶺。見卷三三目元主詔塔出與李恆呂師夔等以步卒入嶺。忙兀台唆都蒲壽

庚及元帥劉深等以舟師下海。合追二王。綱張世傑攻泉州不克。元復陷邵武軍。遂入福州。綱冬十月。以陸秀夫同簽書樞密院事。目秀夫之謫。張世傑讓責也。陳宜中曰。此何如時。動以臺諫論人。宜中惶恐。亟召秀夫還行朝。時播越海濱。庶事疎略。楊太妃垂簾與羣臣語。猶自稱奴。每時節朝會。獨秀夫儼然正笏立。如治朝。或時在行中。淒然泣下。以朝衣收淚。衣盡溼。左右無不悲慟者。綱元唆都破興化軍。屠其民。陳瓚死之。目唆都至興化。瓚閉城拒守。唆都臨城諭之。矢

陸秀夫儼然正笏
陳瓚死節

石雨下。乃造雲梯砲石。攻破其城。巷戰終日。獲瓚車。血流有聲。裂見六之屠其民。血流有聲。綱十一月。元塔出會兵陷廣州。綱元將劉深襲淺灣。帝奔井澳。目深攻淺灣。張世傑戰不利。奉帝走秀山。遂至井澳。綱十二月。帝有疾。目帝至井澳。颶具風海中。壞怪舟。帝溺。幾不救。遂得驚疾。旬餘諸兵士稍集。死者過半。綱元謝深襲井澳。帝奔謝女峽。陳宜中逃之。占城。目帝復入海。至七里洋。欲往占城。見七二。陳宜中請先往諭意。度鐸事不可為。遂不返。

血流有聲

張珪死節

綱 戊寅三年。五月帝昺祥興元年。元至元十五年。春正月。元降封福王與芮為平原郡公。綱元軍入重慶。今四川重慶府。張珪覺死。之西川。治四川成都府。州縣皆陷。綱二月。元峻都陷潮州。屠其民。綱三月。文天祥收兵。復出麗江浦。目天祥以弟璧及母在惠州。今廣東惠州府。乃趨之。行收兵出海豐縣。屬惠州府。遂次於麗江浦。綱都統凌震復廣州。綱帝遷碭洲。在廣東高州府吳川縣南。屹立海中。綱曾淵子至自雷州。以為參知政事。廣西宣諭使目淵子起兵據雷州。今廣東雷州府。元軍諭降不聽。進兵攻之。淵子奔碭洲。遂有是命。綱夏四

月。帝崩。衛王即位。目帝崩年十一。羣臣多欲散去。陸秀夫曰。度宗皇帝一子尚在。將焉置之。古人有以一旅。一成一。卷二。中興者。今百官有司皆具士卒數萬。天若未欲絕宋。此豈不可為國邪。乃與眾共立衛王。年八歲矣。方登壇禮畢。御輦連上所向有龍拏。如空而上。既入宮。雲陰不見。改元祥興。升碭洲為翔龍縣。上帝廟號曰端宗。太妃仍同聽政。陳宜中入占城。行都日候其還朝。宜中竟不至。時世傑秉政。而秀夫裨悲助之外。籌軍旅。內調去工役。凡有述作。盡出其手。雖

陸秀夫曰
書大學章
句以勸講

勿遽流離中猶曰書大學章句以勸講

雲間張氏曰或曰秀夫當顛沛流離之中日書
大學章句以勸講何其迂耶日不然道也者不
可須臾離也故聖人日朝聞道夕死可矣忠臣
愛君惟求一箇是而已且興亡何代無之秀夫
豈以是而遂失其道哉

厓山

綱六月帝遷新會之厓山巨時六軍所泊居雷州化

今高州犬牙處而厓山在新會今廣東廣州府新會縣縣南八

十里鉅海中與奇石山相對立如兩扉非潮汐席

早日潮之所出入也故有鎮戍想張世傑以為天險

可扼以自固乃奉帝移駐遣人入山伐木造行宮及

有星隕廣南

軍屋千餘間行宮正殿曰慈元楊太妃居之升廣州

為祥興府時官兵尚二十餘萬多居於舟資糧取

辦於廣右諸郡海外四州復刷人匠造舟楫製器仗

至十月始罷綱元以張弘範為都元帥李恆副之將

兵入閩廣綱秋八月有星隕于廣南巨有星墮廣州

南初隕色紅大如箕中爆報烈為五既墜地聲如鳴

鼓一時頃止綱加文天祥少保信國公張世傑越國

公巨天祥聞帝即位上表自劾兵敗江西之罪乞入

朝優詔不許而加官爵會軍中大疫士卒多死天祥

張弘範襲
執文天祥

文天祥吞
腦子不死

母亦病沒詔起復之天祥長子復亡家屬皆盡

月葬端宗皇帝于崖山陵號綱冬閏十一月凌震棄廣

州遁綱元張弘範襲執文天祥于五坡嶺綱天祥屯

潮陽今廣東潮州府潮陽縣鄒淵劉子俊皆集師會之遂討劇

盜陳懿劉興於潮興死懿遁以海舟導張鴻範兵濟

潮陽天祥帥麾下走海豐見先鋒將張弘正追之天

祥方飯返五坡嶺弘正兵突至衆不及戰天祥遂被

執吞腦子藥名性極涼多食能死人不死鄒淵自到劉子俊自詭

為天祥冀可免天祥及天祥至各爭真偽元遂烹子

俊天祥至潮陽見弘範左右命之拜天祥不屈弘範

釋其縛以客禮之天祥固請死弘範不許處之舟中

求族屬被俘者悉還之綱十二月元西僧楊璉真加

發紹興諸陵綱楊璉真加利宋攢攢宮所攢梓宮也金玉

發諸陵在紹興者及大臣塚墓凡一百一所又欲哀

拮諸陵骨雜牛馬枯骼格禽獸之骨日骼為鎮南浮屠也

會稽今紹興府會稽縣人唐珏覺獨痛憤乃貨家具行貸得

百金為酒食陰召諸庶少去聲泣曰爾輩皆宋人吾不

忍陵骨之暴僕露欲以他骨易之已造石函六刻紀

唐珏忠義

年一字為號。自思陵高宗未以下隨號收殯。眾如珽

言。夜往取遺骸葬蘭亭山。在紹興府城西南。王右軍建蘭亭於此。後又

移宋故宮。冬青樹植其上。以識至聞者悲之。

帝昺度宗少子。端宗之弟。陸秀夫立之。遷厓山。在位一年。元張弘範來攻。秀夫負帝赴海死。而宋亡。

綱已卯。帝昺祥興二年。元至元十六年。是歲宋亡。春正月。元張弘

範襲厓山。張世傑力戰禦之。弘範由潮陽港講乘

舟入海。至甲子門。獲斥候見四十六卷將。知帝所在。乃至

厓山。或謂世傑曰。北兵以舟師塞海口。則我不能進。退。蓋先據之。幸而勝。國之福也。不勝。猶可西走。世傑

張世傑厓山之戰

一字陣

恐久在海中。士卒離心。動則必散。乃曰。頻年航海。何

時已乎。今須與決勝負。遂焚行朝草芻拂。以草蔽舍也。結

大舶白。海中大船。千餘。作一字陣。碇訂。鎮舟石也。海中。中艫外

船艫。船見四卷。二九。貫以大索。四周起樓棚如城堞。壘。城上女垣。

奉帝居其間。為死計。人皆危之。厓山北淺。舟膠不可

進。弘範由山東轉而南入大洋。與世傑之師相遇。薄

博也。之。且出騎兵斷短官軍汲路。世傑舟堅不能動。

弘範乃舟載茅茨。慈。沃以膏脂。乘風縱火焚之。世傑

戰艦咸上聲。戰船。皆塗泥。縛長木以拒火。舟不焚。肩。弘範

文天祥過零丁洋詩

無如之何。時世傑有甥韓在元軍中。弘範三使韓招世傑。世傑不從。曰：吾知降生且富貴，但義不可移。爾因歷數上聲古忠臣以答之。弘範乃命文天祥為書招世傑。天祥曰：吾不能扞父母，乃教人叛父母，可乎？固命之。天祥遂書所過零丁洋在廣州府香山縣東詩與之。其末有云：人生自古誰無死，留取丹心照汗青。見四七卷弘範笑而置之。弘範復遣人語去聲厓山士民曰：汝陳丞相宜已去。文丞相天祥已執。汝復欲何為？士民亦無叛者。弘範又以舟師據海口。世傑兵士茹汝乾糧。

西 墨氣出山

十餘日。下掬手日掬海水飲之。水鹹飲即嘔泄。同兵士大困。世傑帥蘇劉義方興等。旦夕大戰。既而李恆自廣州以師來會。弘範命恆守厓山北。綱二月。張世傑與元張弘範戰于厓山。世傑兵潰。會陸秀夫負帝赴海死之。世傑復收兵至海陵山。舟覆福而死。宋亡。都統張達夜襲元軍。敗還。弘範乃四分其軍。自將一軍。相去里許。令諸將曰：宋舟西艤。以附船著厓山。潮至必東遁。急攻之。聞吾樂作。乃戰。違令者斬。時黑氣出山西。李恆乘早潮退攻其北。世傑以淮兵殊死。

風雨昏霧
四塞

戰至午潮上。元軍樂作。世傑以為且懈。不設備。弘範以舟攻其南。世傑南北受敵。兵士皆疲。不能復戰。俄有一舟檣旗仆。諸舟之檣旗皆仆。世傑知事去。乃抽精兵入中軍。諸軍大潰。翟國秀、凌震等皆解甲降元。元軍薄上中軍。會日暮。風雨昏霧。四塞咫尺不相辨。世傑乃與蘇、劉義斷短維繫舟索也以十六舟奪港而去。陸秀夫走帝舟。帝舟大。且諸舟環結。度鐸不得走出。乃先驅其妻子入海。謂帝曰：「國事至此。陛下當為國死。」恭宗年號德祐皇帝辱已甚。陛下不可再辱。即負帝同

正為趙氏
一塊肉

張世傑露
香祝天

溺。後宮諸臣從死者甚眾。餘舟尚八百。盡為弘範所得。越七日。屍浮海上者十餘萬人。因得帝屍。及詔書之寶。世傑行收兵。遇楊太妃。欲奉以求趙氏。後楊太后始聞帝崩。撫膺大慟。曰：「我忍死艱關至此者。正為趙氏一塊肉耳。今無望矣。」遂赴海死。世傑葬之海濱。世傑將趨占城。見上土豪強之還廣東。乃回舟。艤南恩之海陵山。散潰稍集。謀入廣。見上風大作。將士勸世傑登岸。世傑曰：「無以為也。」登舵。舵同樓露香祝曰：「我為趙氏亦已至矣。一君亡。復立一君。今又亡。我未

死者庶幾敵兵退。別立趙氏以存祀耳。今若此。豈天
意邪。風濤愈甚。世傑墮水溺死。諸將函其骨。葬潮居
里。蘇劉義出海洋。為其下所殺。

國滅書死之三

史臣曰。宋雖起於用武功。成治定之後。以仁傳家。然仁之弊。失於弱。中世有欲自強以革其弊。用乖其方。馴致焚燬。建炎而後。土宇分裂。猶能六王百五十年。而後亡。豈非禮義足以維持君子之志。恩惠足以固結黎庶之心歟。既而宋之遺臣區區奉二王為海上之謀。雖無救於亡。然人臣忠於所事。而至於斯。其亦可悲也。夫。靜軒周氏曰。書戰屋山。予世傑也。書兵潰。憤之也。凡國滅書死之亡國之善詞也。以為國雖亡。不為無人焉。耳。終綱目書死之七十五。而國滅書死之者。周之亡也。書韓通。金之亡也。書完顏

忽斜虎。宋之亡也。書陸秀夫。皆亡國之善詞也。然宋亡。何以不書於死之下。而書於舟覆之下。可見世傑不死。猶望興復。至其死而宋遂亡。則其倦倦於中國。不盡絕人之。心為可見耳。書宋亡。何所以。結帝。曷於太祖也。帝暴北狩。宋未亡也。至此而亡矣。故特揭而書之。

綱冬十月。文天祥至燕。不屈。元人囚之。屋山之破。張弘範等置酒大會。謂天祥曰。國亡。丞相忠孝盡矣。能改心以事宋者。事今將不失為宰相也。天祥泫然出涕曰。國亡不能救。為人臣者。死有餘罪。況敢逃其死而貳其心乎。弘範義之。遣使護送。天祥赴燕。元都。隸順道經吉州。今江西吉安府。痛恨不食。八日猶生。乃復食。

不食八日猶生

綱鑑易知錄

卷九十一

宋帝昺

十一

十月至燕。館人供張去聲。供。供具。張。陳設也。甚盛。天祥不寢處。坐達旦。遂移兵馬司。設卒守之。既而丞相博羅等召見於樞密院。欲使拜。天祥長揖不屈。博羅曰。自古有以宗廟土地與人而復逃者乎。天祥曰。奉國與人。是賣國之臣也。賣國者有所利而為之。必不去。去者必非賣國者也。予前除宰相不拜。奉使軍前。尋被拘執。已而有賊臣獻國。國亡當死。所以不死者。以度宗二子在浙東。老母在廣故耳。博羅曰。棄德祐嗣君而立二王。忠乎。天祥曰。當此之時。社稷為重。君為輕。吾別

從元帝高宗為忠

立君。為宗廟社稷計也。從懷愍而北者。非忠。從元帝為忠。從徽欽而北者。非忠。從高宗為忠。博羅語塞。忽曰。晉元帝。宋高宗。皆有所受命。二王不以正。是篡也。天祥曰。景炎端宗年號乃度宗長子。德祐親兄。尚可謂不正。登極於德祐去位之後。不可謂篡。陳丞相以太后命。奉二王出宮。不可謂無所受命。博羅等皆無辭。但以無受命為解。天祥曰。天與之。人歸之。雖無傳受之命。推戴擁立。亦何不可。博羅怒曰。爾立二王。竟成何功。天祥曰。立君以存宗社。存一日。則盡臣子一日之

父母疾不可為無不
下藥之理

責。何。功。之。有。曰。既。知。其。不。可。何。必。為。天。祥。曰。父。母。有。疾。雖。不。可。為。無。不。下。藥。之。理。盡。吾。心。焉。不。可。救。則。天。命。也。今。日。天。祥。至。此。有。死。而。已。何。必。多。言。博。羅。欲。殺。之。而。元。主。及。大。臣。不。可。弘。範。病。中。亦。表。奏。天。祥。忠。於。所。事。願。釋。勿。殺。乃。囚。之。

右南宋九帝共一百五十三年 合兩宋 十八帝共三百二十年

元紀

世祖文武皇帝 名忽必烈太祖鐵木真第四子拖雷之第四子憲宗蒙哥之同母弟也滅

宋襲正統在位共三十一年壽八十歲而崩○帝繼宋而王中國混一寰區開十傳之統緒自古以來未有之有也

綱庚辰元世祖文武皇帝至元十七年春正月都元

帥張弘範卒綱三月帝如上都發易曰君子以作事

窮河源

必難制是時元都燕京宗社係焉百官居焉縱使上都乃祖宗之地既都於燕則彼當為行在安可復如上都乎四海甫平即事遊幸事既不能謀之於始遂使後世子孫循其故轍習以為常浸淫至於亡國而悲夫綱遣使窮河源義廣河始於開闢其遷徙不常有源無益也然大禹綱秋七月以郝禎耿仁為左丞綱阿合馬貪橫益肆援引二人驟升同列交為蒙蔽

擊日本

培斂日急。內通貨賄。外示威刑。廷中相視無敢言者。
 綱八月。集賢大學士兼國子祭酒許衡致仕。目衡以
 疾乞致仕。皇太子請以其子師可為懷孟。見八八路
 總管。以便侍養。且遣使諭之曰。公母以道不行為憂
 也。公安則道行有時矣。綱翰林學士承旨姚樞卒。文諡
 也。綱九月。帝還大都。綱冬。十月。以阿剌罕為右丞相。
 復大發兵擊日本。綱十一月。行授時歷。郭守敬等所造也。綱
 平章政事廉希憲卒。目大德。成宗年號。開贈太師恆陽王。
 諡文正。伯顏曰。廉公宰相中真宰相。男子中真男子。

竇默比汲

弘吉刺后

世以為名言。綱十二月。昭文館大學士竇默卒。目默
 為人樂易。平居未嘗出一言。方人物。至論國家大計。
 面折。浙廷諍。人謂可比汲黯。帝嘗曰。朕求賢三十年。
 得一竇漢卿。字默及李俊民。又曰。如竇漢卿之心。姚公
 茂。字樞之才。合而為一。可謂全人矣。累贈太師。封魏國
 公。諡文正。

綱辛巳。十八年春。二月。皇后弘吉刺氏崩。目后性明
 敏。達於事機。國家初政。左右匡正。與預有力焉。宋亡。
 幼主。宋恭宗入朝。后不樂。帝曰。江南平。自此不用兵甲。

人皆喜之。爾何獨不樂？后曰：自古無千歲之國。母使吾母子及見此，則幸矣。帝以宋府庫物置殿庭，名后視之。后一視而反，帝問后何欲。后曰：宋人貯蓄以貽子孫，子孫不能守而歸於我，我又何忍取之？邪？宋太后全氏至京，不習風土，后屢奏乞令回江南，帝不允。后退亦厚待之。綱：三月，許衡卒。目：衡病革，戰也。家人祀先，衡曰：吾一日未死，寧不有事於祖考，起奠獻如儀。既撤而卒，年七十二。衡嘗語去聲其子曰：我平生虛名所累，竟不能辭官。死後慎勿請謚，勿立碑，但書許

某之墓四字，使子孫識其處，足矣。後贈司徒，封魏國

公謚文正

雲間張氏曰：嗚呼，魯齋學孔孟者也。人謂孔孟之窮，臣意魯齋之窮，又浮於孔孟焉。何也？蓋孔孟有列國以高其志，於是海內皆元魯齋不遇元主于巷，將焉遇之？觀分注載其語，子之言則其不滿厥志，可見矣。綱：目於其卒而不遇，不書其官者，以見終不得行其道也。

綱：帝如上都。秋七月，阿剌罕卒于軍。八月，諸將棄師於海島而還。閏月，帝還大都。綱：冬十月，焚毀道

書。目：帝方信桑門，即沙門也之惑，詔樞密副使張易參校道書，言惟道德經見四九卷為老子所著，餘皆後

焚毀道書

人偽撰。詔悉焚之。

靜軒周氏曰。世祖之焚道書。非能灼見其罔於焉毀之。特因惑桑門之說。故從焚棄。嗚呼。道書既知其偽。而佛書則可以為真。而傳嗣萬世乎。如宋之徽宗。惑於道教。而取桑門之說。世祖惑於桑門。而焚道教之書。二君皆有一偏之惑。非誠於不惑者矣。

二君非誠於不惑

綱十二月。以雍吉刺帶為右丞相。阿合馬為左丞相。

綱壬子十九年春。二月。帝如上都。綱三月。益都千戶

王著殺阿合馬於闕下。著因人心憤怨阿合馬。以大銅鎚碎其腦。立斃。著挺身請

囚。遂棄市。綱夏四月。雍吉刺帶罷。以和禮霍孫為右丞相。

綱詔戮阿合馬屍。遂窮治其黨。目阿合馬死。帝猶不

俱藍國

深知其姦。及詢樞密副使博羅。乃盡得其罪惡。始大

怒曰。王著殺之誠是也。命發塚剖其棺。戮屍於通玄

門外。縱犬食之。四民聚觀。稱快。并誅其子忽辛等四

人。尋令中書悉罷黜其黨與。又以郝禎耿仁黨惡尤

甚。命剖禎棺。戮其屍。下耿仁於獄。誅之。綱以張雄飛

為參知政事。秋八月。帝還大都。綱九月。俱藍國入

貢。海外諸蕃。惟俱藍尤遠。自泉州至其境。約十萬里。招討楊庭璧三往招之。遂遣使貢寶及黑猿一。

綱遣使括雲南金。定其賦稅。用金為則。綱詔諸路歲舉儒吏各

一人。目。中書省掾。史有闕。選樞密院御史臺六部

令史轉用之。令史則取諸路歲貢之數，仍詔諸路歲貢儒吏，儒必通吏事，吏必知經史者。**綱**冬十月，復以耶律鑄為左丞相。**綱**以宋衍聖公孔洙為國子祭酒，提舉浙東學校。**綱**孔子後自宋南渡，初其四十八代孫端友子玠寓衢州。見八十三卷二二三帝既平宋，疑所立，或言孔氏子孫寓衢者，乃其宗子，名洙，赴闕，洙遜於居曲阜者。帝曰：寧違榮而不違親，真聖人後也。遂命為國子祭酒，兼提舉浙東學校。**綱**十二月，殺宋少保樞密使信國公文天祥。**綱**時有閩僧言土星犯帝座，違榮而不違親

疑有變，未幾中山。今直隸真定府定州有狂人自稱宋主，有衆千人，欲取丞相。京城亦有匿名書，言某日燒葦葦，率兩翼兵為亂。丞相可無憂者。朝廷疑之，遂撒葦城葦，遷瀛國公。見上卷三一及宋宗室於上都，疑丞相為天祥，乃召天祥入諭之曰：汝移所以事宋者，事我，當以汝為相矣。天祥曰：天祥為宋宰相，安事二姓？願賜之一死，足矣。帝猶未忍，遽麾之退。左右力贊從其請，遂詔殺之於都城之柴市。天祥臨刑，殊從容，謂吏卒曰：吾事畢矣。南向再拜死。年四十七。其衣帶中有贊

文天祥從容就死

忠義之氣
一著於詩
歌

日。孔曰成仁。孟曰取義。惟其義盡。所以仁至。讀聖賢書。所學何事。而今而後。庶幾無愧。其妻歐陽氏收其屍面如生。天祥為人豐下。兩目炯然。博學善論事。作文未嘗起草。尤長於詩。居獄四年。忠義之氣。一著於詩歌。累數十百篇。至是兵馬司籍所存上之。觀者無不流涕悲慟。有得其一履者。亦寶藏之。尋有義士張毅甫者。負其骨歸葬吉州。見上十一適家人自廣東奉其母曾夫人之柩。同日至城下。人以為忠孝所感云。初天祥開督府。置僚屬。一時知名者四十餘人。而遙

請號令。稱幕府文武士者。不可悉數。上聲然皆一念向正。至死靡悔。

所欲有甚
於生
事固不可
以成敗論

史臣曰。自古志士欲信大義於天下者。不以成敗利鈍動其心。君子命之日仁。以其合天理之正。即人心之安爾。宋德祐亡矣。文天祥奉兩孀王崎嶇嶺海。以圖興復。兵敗身執。終不可屈。而從容伏鎖。就死如歸。是其所欲。有甚於生者。可不謂之仁哉。許有壬曰。宋養士三百年。得人之盛。軼漢唐而過之。及天命已去。文天祥萬變不渝。一旦就義。光明俊偉。俯視一世。顧膚敏裸將之士。不知為何物也。宋之亡。守節不屈者有之。未有有為若天祥者。事固不可以成敗論也。

綱以扎散為平章政事。綱徵處士劉因為右贊善大

夫尋辭歸。因容城人。天資絕人。日記千百言。過目成誦。初爲經學。究訓詁。注釋之說。歎曰。聖人精義。殆不止此。及得周邵程朱之書。一見。卽曰。我固謂當有是也。及論其學之所長。曰。邵至大也。周至精也。程至正也。朱子極其大。盡其精。而貫之以正也。愛諸葛孔明。靜以脩身之語。表所居。曰。靜脩。不忽。未薦之。詔徵之。至。擢右贊善大夫。尋以繼母老。辭歸。俸給。無所受。綱詔御史臺得自選其屬。目初。御史唯用漢人。至是。崔或請參取蒙古人用之。又言臺察之選。正由中

靜脩

書寧無偏黨之弊。今宜令本臺得自選任。旣而江淮省臣有欲專恣而忌臺察之言者。上議欲以行臺隸行省。詔廷臣雜議。兵部尚書董文用曰。御史臺譬之臥虎。雖未噬人。人猶畏其虎也。今虛名僅存。而綱紀猶不振。更加抑之。則風采蕭靡。然無復可望矣。此不可行也。從之。綱始海運。

綱癸未二十年春正月。立弘吉刺氏爲皇后。目時帝春秋高。后頗預朝政。相臣常不得見帝。輒因后以奏事焉。○初弘吉刺之族。從太祖起兵有功。尋立其女

弘吉刺族

罷採民間女子

無赦之國其刑必平

為后遂與約曰弘吉刺氏生女世以為后生男世尚公主故元世諸后多其族焉綱詔停燕南河北山東租賦三月帝如上都綱復命高麗王瞻春上及阿荅海發兵擊日本綱夏四月罷採民間女子從崔或之請也
綱六月增給官吏俸冬十月帝還大都耶律鑄有罪免

綱甲申二十一年春正月羣臣上尊號目時議欲肆赦張雄飛諫曰古人言無赦之國其刑必平故赦不平之政也聖明之世豈宜數朔赦上納之遂止下輕

刑之詔綱二月遷宋宗室及大臣之仕者詔遷宋宗室及大臣

之仕者於內地疑其反也綱三月帝如上都綱秋七月詔鎮南王

脫歡假道安南今安南國擊占城見上綱八月帝還大都

綱九月京師地震冬十一月和禮霍孫張雄飛等

罷復以安童為右丞相盧世榮為右丞史樞為左丞

撤的迷失廉希恕並參知政事十二月宋太皇太

后謝氏卒于燕

綱乙酉二十二年春正月以阿必失合為平章政事

綱二月立規措所規畫措置錢穀也所司官吏以善賈為之從盧世榮之請也綱

立規措所

帝如上都。復以甕吉刺帶為左丞相。秋八月。帝還大都。綱冬十一月。盧世榮伏誅。監察御史陳天祥劾世榮贓罪。帝親鞫之。一一款。綱十二月。太子真金卒。目太子初從姚樞實默學。仁孝恭儉。尤優禮大臣。一時在師友之列者。非朝廷名德。則布衣節行之士。在中書日久。明於聽斷。聞四方科徵輓漕造作和市有係民之休戚者。多奏罷之。中外歸心焉。江南行省以歲課羨鈔四十萬貫來獻。太子怒曰。朝廷但令汝等安百姓。百姓安錢糧何患不足。百姓不安錢糧雖多能自奉乎。盡

卻之。中庶子伯必以其子阿八赤入見。諭之以毋讀蒙古元本書。須習漢人文字。行臺治書侍御史王憚蘊進承華事略二十篇。太子覽之。至漢成帝不絕馳道。天子所行。道曰馳道。唐肅宗改服絳紗為朱明服。肅宗立為絳紗。太子曰。此天子禮也。乃改絳紗衣為朱明服。心甚喜曰。我若遇是禮。亦當如是。又至邢峙雒止齊。太子食邪蒿。顧侍臣曰。一菜之名。遽能邪人邪。詹事孔九思曰。正臣防微。理固當然。太子善其說。令諸子博觀其書。時帝春秋高。南臺御史上書請內禪。太子聞之懼。臺臣寢其章不敢

聞而阿合馬之黨答即古阿散等請收百司吏案鈎考天下錢穀欲因以發之都事尚文曰是欲上危太子下陷大臣其謀姦矣遂語御史大夫及丞相先入言之以奪其謀帝震怒曰汝等無罪邪丞相進曰臣等無所逃罪但此輩名載刑書而為此舉實動搖人心耳太子益憂懼不自安尋卒年四十三

綱集僧四萬作資戒會

綱丙戌二十三年春三月遣待御史程文海訪求江南人才

目先是文海為集賢直學士言省院諸司

作資戒會

皆用南人惟御史臺按察司無之江南風俗南人所諳亦宜參用之至是遂詔文海仍集賢直學士拜侍御史行御史臺事往江南博采知名之士帝素聞趙孟適葉李名密諭文海必致此二人文海復薦宋宗室趙孟頫及張伯淳等二十餘人帝皆擢用之

趙孟頫王魏之不同

雲間張氏曰文海薦宋宗室趙孟頫帝擢用之嗚呼春秋於父兄之讎則曰不共戴天今宋與元正不共戴天之讎也孟頫仕元其無恥孰甚焉昔者王珪魏徵不死建成之難君子非之若孟頫之事其天屬人合又王魏之不同者也孟頫字子昂雖書畫精絕惡可取

綱帝如上都

綱秋七月免左丞相夔吉刺帶平章政

事阿必失合或於總制院使綱冬十月帝還大都

綱丁亥二十四年春二月以麥朮督丁為平章政事

綱閏月復置尚書省以桑哥鐵木兒並為平章政事

阿魯渾薩里為右丞葉李為左丞馬紹參知政事

初置國子監以耶律有尚為祭酒綱設江南各路儒

設儒學提舉司

學提舉司目時江南諸縣各置教諭二人又用廷臣

議諸道各置提舉司設提舉儒學二人統諸路府州

縣學祭祀錢糧之事未幾復從桑哥等言鈎考江西

學田所入羨餘貯之集賢院以給有才藝之士綱帝

行至元鈔

如上都綱三月行至元鈔桑哥以交鈔及中統元寶行之既久物重鈔輕遂建

議更造至元鈔行之自一貫至五十文凡十有一等每一貫文視中統鈔五貫文

綱戊子二十五年夏四月徵宋江西招諭使知信州

謝枋得辭不至目初枋得遁入建陽今福建建寧府建陽縣時

程文海至江南訪求人才薦宋遺士三十人枋得亦

在列枋得方居母喪遺去聲書文海曰某所以不死者

以九十三歲之母在耳先妣以今年二月考終某自

今無意人閒事矣亡國之大夫不可與圖存李左車

猶能言之韓信破趙生得李左車師事之左車謝曰亡國之大夫不可以圖存敗軍之將不可

謝枋得遺書程文海

謝枋得遺書畱夢炎

以言況稍知詩書頗識義理者乎。某之至愚極闇。決不可以辱名命。亦明矣。既而畱夢炎亦力薦之於上。枋得復遺書夢炎言。江南無人才。未有如今日之可恥。春秋以下之人物。本不足道。今欲求一人如瑕呂飴甥。姓瑕。呂名飴。甥。食采於陰。又曰程嬰。杵臼。見四陰。飴甥。見左傳。僖公十五年。亦不可得。辯論凡數千百言。卒不八。廝養卒。見八卷。行。綱。秋九月。帝還大都。綱。置徵理司。冬十月。遣使鉤考諸路錢穀。目初。桑哥摘委六部。鉤考百司倉庫財穀。復以為不專其任。遂置徵理司以主之。行臺侍御

置徵理司

宋恭宗學佛吐蕃

史程文海入朝言。天子之職。莫大於擇相。宰相之職。莫大於進賢。宰相不以進賢為急。而惟以貨殖為心。非為上為德為下為民之意。今權姦用事。立尚書省。鉤考錢穀。以割剝生民為務。所委任者。率皆貪饕。貪。財也。邀利之人。江南盜賊竊發。良以此也。臣竊以為宜清尚書之政。損行省之權。罷言利之官。行恤民之事。桑哥大怒。畱京師。不遣。奏請殺之者六。帝皆不允。綱。遣瀛國公趙昱。學佛于吐蕃。見五四卷十五。綱。己丑。二十六年春正月。地震。三月。帝如上都。綱。

綱。監易知錄

卷九十一 元世祖

二

謝枋得死節

以中書右丞相伯顏知樞密院事將兵鎮和林見八卷。
綱以伯答兒為中書平章政事。綱夏四月福建參
知政事魏天祐執宋謝枋得至燕不屈死之。目初天
祐見時方求才欲薦枋得為功遣使誘枋得入城與
之言坐而不对或嫚言無禮天祐不能堪乃讓責曰
封疆之臣當死封疆安仁之敗見上卷何不死枋得
曰程嬰公孫杵臼二人皆忠於趙一存孤一死節見
王莽篡漢龔勝餓死見二十九卷司馬子長司馬遷字子長云死
有重於泰山輕於鴻毛司馬遷報任安書人固有一

不食二十餘日不死

參政豈足知此天祐怒逼之北行枋得以死自誓
自離嘉興今浙江嘉興府即不食二十餘日不死乃復食既
渡采石見六十四卷惟茹汝少蔬果積數月困殆四月
朔至燕問太后櫓所及瀛國所在再拜慟哭
疾甚畱夢炎使醫持藥雜米飲進之枋得怒擲之於
地不食五日死予定之護骸骨歸葬信州見上卷枋
得天資嚴厲雅負奇氣風岸孤峭不能與世軒輊至
車前頓日輒後頓日軒後漢馬援傳居前不能而以天
能令人輕居後不能令人軒言無所輕重也而以天
時人事推宋必亡於二十年後每論樂毅見六卷申

是即博浪
伏橋之志

包胥見四卷張良諸葛亮事常若有千古之憤者而
以植世教立民彝為任貴富賤貧一不動其中初枋
得之北行也貧苦已甚衣結履穿人有嘗德之者賙
以金帛辭不受又為詩別其門人故友時以為讀其
辭見其心慷慨激烈真可以使頑夫廉懦夫立云

靜軒周氏曰枋得之死或以不速為嫌當時魏
天祐亦以安仁之敗向不死為責是皆未合於
義之論也方其安仁之戰雖無成功是即張良
博浪之豫讓伏橋之志也使其一戰而勝豈不為
義士之大伸乎迨夫兵敗而還棲身閭里然其
心未嘗不在乎宋也所以因循數年而弗克效
死者以其有老母在耳心豈不日君國既亡職
分當死然慈親尚在則於義未安於情未忍故

是即夷齊
恥食周粟
之心

前書微之不至則其守義之心可見執者恃勢
強迫之辭執之至燕則其不屈之心可知迨夫
特立不撓絕食而死是即夷齊恥食周粟之心
耳嗚呼枋得全節表表於世又安可以死之遲
速而擬中
議之哉

綱五月以忻都為尚書左丞何榮祖參知政事張天
祐為中書參知政事冬閏十月帝還大都綱十二
月帝幸大聖壽萬安寺詔天下梵寺所貯藏經集
僧誦之仍給所費歲為例
綱庚寅二十七年夏四月帝如上都綱河北治直隸
十七郡蝗綱秋八月朔日食地大震九月赦天下
綱帝還大都冬十一月安童罷綱大水江南民流
者四十五

萬餘人凡發粟五十八萬賑之

綱辛卯二十八年春正月桑哥及阿魯渾薩里葉李

以罪免集賢直學士趙孟頫綱二月罷徵理司綱以

完澤為尚書右丞相不忽木平章政事綱世祖去桑

深得親賢遠俊之體

澤不忽木深得親賢遠俊之體使其事事皆然綱帝

如上都綱夏五月逮西僧楊璉真加下獄尋釋之綱

楊璉真加見上發宋諸陵及其大臣塚墓擄取金寶

珠玉無算私庇秘平民之不輸賦者二萬三千戶田

土稱去聲是及受美女寶物之獻藏匿未露者尤多至

是坐侵盜官物遣使逮見十九卷問追治之籍其妻孥

田畝臺省諸臣皆言宜誅之以謝天下帝不聽命釋

之給還其所籍綱復徵劉因見上為集賢學士辭不

至綱因以疾固辭帝聞之曰古有所謂不召之臣其

斯人之徒歟遂不强致之廣劉因以道自尊世祖能

綱下桑哥獄逮其黨要束木誅之綱罷尚書省命右

丞相完澤等並入中書秋七月桑哥伏誅九月

以咱渣喜魯丁為平章政事冬十月以雪雪的介

為平章政事

劉因不召之臣

官僧子

綱壬辰二十九年春正月朔日食 二月以亦黑迷
 失史弼高興並為福建行省平章政事將兵擊瓜哇
 蛙 綱三月麥木督丁罷以鐵哥刺真並為平章政事
 綱帝如上都 秋八月帝還大都 綱冬十二月改封
 梁王甘麻刺太子真金長子為晉王鎮北邊
 綱癸巳三十年春正月右丞相安童卒 綱二月以楊
 璉真加子諳普為江浙行省左丞璉真以江南民怨揚
 廣僧之有子固以為異官以僧子不亦異乎 綱帝如
 上都 綱夏四月劉因卒元祐中劉因卒紀
 上書之於冊所以誌元祐麥不分之義也 綱帝如

不忽木銷
變之對

其節也。不銜之者。元不得而。 綱秋七月以月赤
 臣之也。與書三月許衡卒例同。 綱冬十月彗出
 察兒知樞密院事 九月帝還大都 綱冬十月彗出
 紫微垣見六九卷六 綱帝憂之夜召不忽木入禁中問所
 以銷天變之道。不忽木曰。風雨自天而至。人則棟宇
 以待之。江河為地之限。人則舟楫以通之。天地有所
 不能者。人則為之。此人所以與天地參也。且父母怒
 人子不敢疾怨。起敬起孝。故易曰。君子以恐懼脩省。
 易震卦大象。洊雷震。詩曰。敬天之怒。詩大雅板之篇。
 君子以恐懼脩省。 綱天戒鮮有不終。漢文之世。同日山
 戲 綱三代聖王克謹天戒。鮮有不終。漢文之世。同日山

不以漢人為相不置諫官

崩者二十有九日食地震頻歲有之善用此道天亦悔禍海內又安此前代之龜鑑也願陛下法之因誦文帝日食求言詔帝悚然曰此言深合朕意可復誦之遂論說至四鼓乃罷綱以伯顏為平章政事

綱甲子三十一年春正月帝崩廟號世祖國語稱曰薛禪皇帝

梁寅曰元之有天下殊方絕域靡不臣服與圖之廣互古所無然世祖之約不以漢人為相故為相皆國族而又不置諫官使忠直路塞文學之士雖世世不乏而沉於下僚莫究其用所賴以為用者唯吏師而已其為法如是是以朝皆苟且之政而下無謬諤之風官有貪婪之實而吏多欺誑之文將求保萬邦比隆三代無乃未之思乎

宋使臣家鉉翁

綱葬起輦谷谷在漠北不加築為陵諸帝皆從葬於是云綱夏四月皇孫

鐵木耳即位于上都大赦追尊皇考曰裕宗皇帝

尊母弘吉刺氏曰皇太后五月以王昔帖木耳為

太師伯顏為太傅月赤察兒為太保六月復以帖

木兒為平章政事綱賜宋使臣家鉉翁號處士遣還

鄉目初世祖欲官鉉翁不受遂安置河間今直隸河間府以

春秋教授弟子數朝為諸生談及宋興亡之故輒流

涕太息至是年逾八十詔賜號處士放還鄉里錫予

金幣皆不受尋卒綱秋七月詔中外崇奉孔子綱冬

綱益易知錄卷九十一元世祖二十九

十月帝至自上都。帝巡狩三不刺之地。董文用言
先帝新棄天下。陛下巡遊。無以慰安。元元。見二
三卷且人君猶北辰。居其所而衆星拱之。不在勤遠。
二四略也。宜趣促還京師。帝悟。遂還。綱十一月。以何瑋為
參知政事。伯顏察兒參議省事。綱十二月。太傅知樞
密院事。伯顏卒。綱伯顏深沉有謀略。善斷。將二十萬
衆伐宋。如將一人。諸將仰之若神明。還朝未嘗言功。
卒贈太師。追封淮安王。諡忠武。

尺木堂綱鑑易知錄卷九十

早稲田大学図書館

011688996670